



**ACORDO PARA UN GOBERNO DE COALICI3N ENTRE O
PSdeG-PSOE E O BNG NA DEPUTACI3N DE PONTEVEDRA
MANDATO 2015-2019**

O PSdeG–PSOE e o BNG acordan un Goberno de Coalición que persegue conseguir un novo modelo de Deputación na provincia de Pontevedra. Este Goberno centrará a súa actividade no desenvolvemento deste territorio e no benestar dos homes e mulleres da provincia.

O programa de Goberno baséase no principio de intermunicipalidade na que os concellos convértense nos protagonistas da acción local e a Deputación nunha institución que desenvolve políticas, plans, e actuacións que facilitan que o conxunto dos concellos e os cidadáns poidan acadar os mesmos servizos e dereitos.

Trátase dun programa global que define as grandes liñas de Goberno da Deputación de Pontevedra para o período 2015-2019.

Ter acadado un programa común senta unhas bases sólidas para o desenvolvemento dunha acción de goberno forte, estable e con capacidade de iniciativa e acción política.

En consecuencia, o PSdeG–PSOE e o BNG, chegan ao seguinte

ACORDO:

Constituír un Goberno de Coalición para o mandato 2015-2019 que se rexerá polas determinacións do Acordo Marco e polo Programa acordado en Pontevedra entre as dúas forzas políticas.

A Presidencia será para Carmela Silva a proposta do PSdeG–PSOE e a Vicepresidencia será para César Mosquera a proposta do BNG.

PROGRAMA DE GOBERNO
DEPUTACIÓN DE PONTEVEDRA
2015-2019

Dentro do Marco do Acordo asinado entre o PSdG-PSOE e o BNG a nivel galego, compre adaptar as peculiaridades da Deputación de Pontevedra os principios, contidos e determinacións recollidos nese acordo.

Todas as actuacións de competencia municipal que ven desenvolvendo a Deputación, ben sexa a traveso de axudas aos concellos, directamente pola Deputación ou por axudas a colectivos e entidades, integraranse en plan ou plans aos concellos, evitando duplicidades e tratos con potencial discriminatorio.

As únicas excepcións, a valorar en cada caso con criterio moi restritivo, serán aquelas cuestións de indubidábel carácter comarcal ou intermunicipal.

Por outro lado, incluso nas excepcións, a prioridade serán organismos públicos ou semipúblicos ou fundacións de carácter público, evitando ao máximo as subvencións directas da Deputación ao sector privado.

Elaborarase de común acordo entre os grupos de goberno e os concellos un plan ou fondo global de carácter intermunicipal baixo os principios de autonomía e corresponsabilidade municipal, transparencia, equidade, e libre concorrència coas lóxicas salvagardas de control do cumprimento dos fins para os que se dedican recursos, e garantía de igualdade de acceso de todos os cidadáns aos fondos que transfira á Deputación aos concellos.

O investimento e xestión das actuacións acordadas correrán a cargo dos concellos sempre que así o soliciten e as leis o permitan. Ademais as prestacións que fai directamente a Deputación aos concellos ou entidades, como mellora e desbroces de camiños municipais, limpeza de praias, escolas deportivas que compitan coas municipais, ou similares, tamén desaparecerán e os recursos integraranse no Fondo. O mesmo co PAC que se suprimirá.

Si un ou varios concellos solicitaran á Deputación que lle prestase algún servizo por resultar máis barato, a Deputación detraería da cantidade asignada no Fondo as cantidades que lle correspondesen a cada concello polo servizo prestado.

É fundamental conquistar economías de escala. Para este fin tentarase acordar cos concellos o modo de prestación dos servizos buscando a eficiencia no uso de recursos públicos e permitindo que sexan os concellos os que elixan o modo de desenvolvemento dos servizos.

SERVIZOS

Como consecuencia desta profunda modificación do xeito de funcionar, moitos dos Servizos ou Órganos da Deputación verían cambiadas as súas funcións.

Príncipe Felipe / Servizos Sociais

A Deputación encargárase da xestión de Príncipe Felipe e A Lanzada.

O resto das políticas sociais, dentro das limitacións legais, poranse en marcha a través do plan ou fondo global no que se transferirá aos concellos as partidas dedicadas aos conceptos que se aproben nos orzamentos.

Traballar na dirección de transferencia á Xunta de Príncipe Felipe e do Campamento da Lanzada.

Canteiros

Xestión limitada ao bo funcionamento da Escola tratando de transferirla á Xunta e realizando soamente aqueles traballos que non poidan asumir os concellos.

Cultura

Acordaranse cos concellos as políticas Culturais, incluído o financiamento aos seus contedores, cofinanciando aqueles que as entidades locais consideren. Neste caso, e salvo excepcións, detraendo a parte correspondente das cantidades que se correspondan aos concellos na asignación de recursos.

Museo

Aproveitamento das súas potencialidades. Profesionalización da súa xestión.

Servizo Lingüístico

Manter e potenciar. Garantir que toda a comunicación da Deputación, sexa cal sexa o seu soporte, estea en galego.

Deportes

Eliminar subvencións e actuacións directas con entidades, así como a gala provincial e as festas da bicicleta e marchas populares, as escolas deportivas que compitan coas municipais. Poderíase manter a liña de subvencións a clubs baremada se así o demandan os concellos.

Se manterían infraestruturas municipais e as axudas a grandes eventos e ao deporte de elite, así como aquelas actividades deportivas que faciliten a relación entre concellos (intermunicipalidade).

Medio Ambiente

Ten que cambiarse radicalmente, eliminando a situación actual de caixón de xastre. Centrado na prestación de servizos de competencia municipal: canceira, RSU's, control contaminación, espazos naturais, monte, e servizos de competencia local que non se prestan na actualidade: recollida e custodia de animais vivos, eliminación de animais mortos,

Mouriscade

Competencia evidente da Xunta. Manter mentres tanto. Exame a fondo do funcionamento e xestións para transferir á Xunta.

Areeiro

Competencia evidente da Xunta. Manter mentres tanto. Exame a fondo do seu funcionamento e xestións para transferir á Xunta.

Turismo

Centrar na Promoción exterior e na posta en valor dos recursos turísticos.

Eliminar casetas e folletos municipais. Cada Concello que o faga con autonomía.

Procurar un Consorcio Provincial cos Concellos que queiran adherirse.

Potenciar os medios electrónicos.

Infraestruturas

Actuacións no viario provincial, na seguranza viaria e na mobilidade alternativa.

Supresión das actuacións no viario municipal.

Seguir xestionando Barro - Meis até a súa liquidación.

Arquitectura

Seguirá como un Servizo Central.

Escola de Enfermería

Seguir xestionando até a súa transferencia á Universidade.

Recursos Humanos

Estudo do funcionamento dos programas de bolseiros. En función das conclusións, acordarase cos concellos que queiran formar parte deste programa o modelo de xestión. No caso de que decidan adherirse se lles transferiría fondos se así o solicitan.

Cooperación e Asistencia Municipal

Centrar no asesoramento en cuestións legais, ambientais, seguranza viaria, mobilidade alternativa e todas aquelas outras que demanden os concellos e contemplan as leis.

Pódense fusionar ambos servizos.

Centrar á cooperación na xestión do plan ou fondo global.
Eliminación do PAC.

Novas tecnoloxías

Reforzar a colaboración cos concellos.

Área Económica

Inclúe Intervención, Tesourería e o ORAL.

Impulsar o ORAL como instrumento de xestión dos recursos locais.

Réxime Interior e Persoal

Inclúe Servizo Central, Recursos Humanos, e Riscos Laborais.

Servizos Xurídicos

Engloba Contratación, Secretaria, Rexistro e Asesoría Xurídica.

FONDO (OU PLAN) LOCAL DE FINANCIAMENTO, OBRAS E SERVIZOS DOS CONCELLOS

É a plasmación práctica, concreta, operativa e orzamentaria dos principios de autonomía e corresponsabilidade dos concellos.

Así, todas as subvencións que concede a Deputación aos concellos ou a entidades desaparecerían integrándose os seus recursos no Fondo. Só se manterían, con carácter restritivo aquelas liñas de subvencións de difícil encaixe por motivos administrativos ou legais.

Así mesmo, poderán manterse con carácter restritivo e excepcional, as axudas a entidades de marcado carácter supra ou intermunicipal, Federacións Deportivas ou a eventos de carácter excepcional.

En canto ás obras, os criterios serán os mesmos, coas excepcións de grandes infraestruturas culturais, deportivas ou similares, pero coa colaboración da Deputación condicionada a un esforzo máximo por parte do Concello. Só cando sexa evidente que o concello non pode afrontar podería, e con carácter restritivo, colaborar a Deputación.

O reparto do Fondo entre os concellos elaborarase cos seguintes criterios:

- Criterios totalmente obxectivos. Desaparición da reserva do 20%.
- Limitar a un máximo dun 5% do orzamento inicial o adicado a subvencións nominativas ou excepcionais, xustificadas polo interese xeral.
- Vigo e Pontevedra, principalmente mediante convenios.

Unha vez fixadas as cantidades que lle corresponden a cada concello, queda aberta a posibilidade de optar por diferentes fórmulas para a súa efectivización: transferencia, execución por parte da Deputación, convenio ou calquera outra que teña encaixe legal.

O Fondo deberá ter unha dotación de arredor da terceira parte dos Capítulos de Ingresos 1, 2 e 4 da Deputación.

NOVAS ÁREAS A POTENCIAR

- Mobilidade e seguranza viaria con directrices e colaboración cos concellos para a redacción de Plans Municipais (Comarcais ou Provincial) de Mobilidade Sustentábel e Segura.
- Accesibilidade universal.
- Residuos: Prantas comarcais de tratamento dos residuos en función da dispoñibilidade de terreos e concellos dispostos a adherirse, así como outras medidas que fomenten a redución, reutilización e a reciclaxe.
- Monte: Actuacións en mellora do Monte e prevención de incendios e Parques Forestais municipais subvencionados pola Deputación.

ESTRUTURA

PRESIDENCIA

Correspóndelle as competencias que establece a lei, agás aquelas que delegue como consecuencia deste acordo.

VICEPRESIDENCIA

Coordinará as Áreas xestionadas polo BNG e, no caso de ausencia da Presidenta, o Vicepresidente será a máxima autoridade na Deputación.

MEDIDAS ORGANIZATIVAS

- Delegación de sinatura até o máximo legal sobre os asuntos de competencia do BNG.
- A portavocía do goberno osténtaa a Presidenta, que respectará que a comunicación das áreas de goberno do BNG sexan exercidas por este grupo político.
- A imaxe corporativa da Deputación será única, salvo aqueles servizos que teñen unha imaxe moi consolidada, eliminando os demais.
- Profesionalización da xestión do Museo de Pontevedra.
- Impulso a creación dun consorcio provincial de turismo que integren os concellos da provincia que o desexen.
- Proposta de transferencia á Xunta de todos os equipamentos que desenvolven competencias propias da Administración autonómica: Príncipe Felipe, Escolas de Canteiros, Areeiro, Mouriscade, Campamento Lanzada e Museo.
- Proposta de transferencia á Xunta da rede viaria provincial interurbana.
- Proposta de transferencia aos concellos de vías urbanas

urbanizadas e das que non teñen carácter intermunicipal.

-Transferencia á Universidade da Escola de Enfermería.

Terase en conta nos fondos europeos ou de outras administracións a cooperación transfronteiriza. A Deputación fomentará a colaboración con UNIMINHO e outros organismos transfronteirizos.

OUTRAS

Non mercar entradas para as touradas, nin presidilas.

RELACIÓN COA XUNTA

Tratar de chegar a un acordo global coa Xunta no que se integren todos os apartados nos que hai duplicidades e solapes: Príncipe Felipe, Areeiro, Mouriscade, A Lanzada, Centros de Drogodependentes, Bombeiros e viario interurbano principal.

ORGANIZACIÓN POR ÁREAS

GRUPO PROVINCIAL DO PSdeG – PSOE

Área de Economía e Facenda e Réxime Interno.

Intervención.

Tesourería.

Recursos Humanos.

ORAL.

Imprenta.

Contratación, Patrimonio, pousadas e arquitectura.

Castelo de Soutomaior.

Bombeiros.

Protección Civil.

Área de Cooperación Municipal

Cooperación cos Concellos: Fondo local, plans e convenios.

Servizos asistencia técnica a municipios.

Formación.

Educación – UNED.

Área de Emprego. (Eixos estratéxicos para o emprego)

Emprego /Autoemprego / Perfeccionamento profesional.

Promoción emprego para mozos e mozas.

Escola de canteiros.

Área de Innovación, Promoción Económica e Turismo.

Desenvolvemento industrial e promoción de novas empresas.

Apoio a pymes e autónomos.

Emprendemento e innovación.

Comercio e Servizos.

Promoción turística.

Fomento industrias turísticas e artesanía.

Sociedade da información: novas tecnoloxías.

Turismo Rías Baixas.

Área de Xuventude, Deportes e Igualdade

Infraestrutura deportiva.

Apoio e fomento ao deporte.

Campamento A Lanzada.

GRUPO PROVINCIAL DO BNG

Área de Infraestruturas

Viais provinciais.

Fomento da colaboración con UNIMINHO ou organismo que puidera substituílo.

Mobilidade.

Accesibilidade.

Polígono de Barro-Meis

Área de Benestar Social

Benestar social.

Dependencia.

Axuda a vehículos adaptados.

Inserción social.

Servizos a persoas maiores.

Infancia e familia.

Príncipe Felipe.

Escola de Enfermería ata o seu traspaso

Área do Medio e de Desenvolvemento Sostible

Medio / Educación e conservación ambiental.

Recursos naturais / Patrimonio natural.

Desenvolvemento Sostible.

Desenvolvemento agropecuario e recursos forestais.

Protección, conservación e fomento dos recursos mariños e cinexéticos.

Xestión de hábitat.

Ordenación territorial: planificación e xestión do solo.
Finca Mouriscade.
Estación Areeiro.
Xestión e tratamento dos Residuos Sólidos Urbanos.
Prestacións Ambientais de competencia municipal.

Área de Cultura.
Fomento da cultura.
Patrimonio documental e bibliográfico.
Arquivo.
Museo Provincial.
Normalización Lingüística.
Servizo lingüístico.
Arqueoloxía e Etnografía.

Pontevedra, 16 de xullo de 2015

César Mosquera Lorenzo

Santos Héctor Rodríguez